

〔明〕

王夫之

著

薑齋文集

薑齋詩集

薑齋詞集

薑齋詩話

龍舟會雜劇

詩文拾遺

王夫之

著

薑齋文集

薑齋詩集

薑齋詞集

薑齋詩話

龍舟會雜劇

詩文拾遺

二



岳麓書社

图书在版编目(CIP)数据

船山全书·单行本之十四, 薑斋文集·薑斋诗集·薑斋词集·薑斋诗话·龙舟会杂剧·诗文拾遗/(明)王夫之撰. —长沙:

岳麓书社, 2010.12

ISBN 978-7-80761-546-0

I. 船… II. 王… III. ①王夫之(1619~1692)—全集

IV. ①B249.21

中国版本图书馆CIP数据核字(2010)第245527号

薑斋文集·薑斋诗集·薑斋词集·薑斋诗话·龙舟会杂剧·诗文拾遗(全二册)

著 者 [明]王夫之

总 修 订 杨 坚

责任编辑 刘 文

特邀编辑 朱树人

封面设计 胡 颖

出版发行 岳麓书社

网 址 <http://www.yueluhistory.com>

地 址 湖南省长沙市爱民路47号

邮 编 410006

电 话 0731-88885616(邮购)

经 销 湖南省新华书店

印 刷 长沙化勘印刷有限公司

版 次 2011年1月第1版第1次印刷

开 本 960×640 1/16

印 张 66.75

字 数 777千字

书 号 ISBN 978-7-80761-546-0/G·919

定 价 80.00元

如有印装质量问题,请与承印厂调换

厂址:长沙市青园路4号 电话:0731-85583670 邮编:410004

薑齋詩編年稿

薑齋詩編年稿

己酉稿

同須竹晏坐馭閣巖因而有作

隱几既無擇，閱物非有工。胡爲勞形役，營靜相追從。貞人抱孤光，棲心非意中。遂躡曠古石，對此空煙容。至語不再宣，天地爭昭蒙。今古繼方寸，惻然含無窮。各知非勤名，幽靈恒密通。北望不我遐，金簡峙雲峰。焉知石竇啓，不覩千秋封。俄頃詎可忘，慎哉惟令終。

大統曆閏臘

撲面冰花柳徑封，枝枝葉葉祝從容。他時燭爛明看汝，且貰寒山一閏冬。
緩緩憑留此日長，難將疑信問句芒。殷勤爲謝連宵雪，禁住寒梅一半香。

編年稿 己酉

五二九

庚戌稿

擬阮步兵述懷

八十二首。前廿四首入六十自定稿。○

玄雲覆千里，悲風振林皋。驚禽無歸樹，微命安足逃。漠如秋煙空，歛爾孤雲高。豐隆吟寒蜚，格澤飄鴻毛。棄置無足陳，綽約恣遊遨。

夢遊三河間，崔嵬登太行。巖穴嵌危石，鳩鳥巢其陽。祥麟步寥廓，魯郊安得傷。襄城無迷駕，六馬恣回翔。誰與荆榛中，跬步闔輶梁。

佳人游九河，珮玉凌淥水。望望不難即，顧我發皓齒。折麻訂良辰，百歲自今始。朱唇發清吟，芳香散千里。歡會倘不乖，白日回濛汜。佇立待經時，惆悵安能已。

大火方西沒，天街已東升。閱歷有顯晦，光采自因仍。豈云幽塗阻，無爲知我能。如彼衣繡士，晝遊炫寶朋。大化使我生，嘉命遂已承。神蔡棲蓮葉，卷舒固有靈。長夜不我揜，白日非徒熒。晨鷄鳴埽桀，蟲飛自薨薨。聞道而大笑，誰復相酬應。

長日閒深林，徙倚意所適。披簡屢浩嘆，紛詭自誰昔。長嘯含餘悲，凶塗競相即。即凶

○ 小字注：衡陽補刻本原注。按：六十自定稿前廿四首題曰擬阮步兵述懷，見第三三六頁。

世所驚，當時故糾迫。柔鐵一煽動，飛蝗集廣陌。南箕喻酒漿，膏盡終自厄。

谷棲二十載，不記外物喧。物喧非我拒，所悲歲與年。歲年自轂轉，勤勤淒復（喧）
〔喧〕。秋月不損明，春花不損妍。群生蹈逝波，輦動隨飛煙。微明一相照，顧影自矜憐。
千秋沈丘隴，榮迹孰與傳。浮雲無歸蹤，消（滅）〔滅〕。有良然。同同天壤間，俟之後世賢。

送客游鄂渚，悲吟望鵲磯。陳王遺戰壘，唯有秋雲飛。漢水自西來，波光搖夕暉。雄都
壯東南，鵲起願不違。轉戰千里間，朔雲散霏微。驅除返夷庚，終非道所麾。

二曜轉靈轂，去來恒若茲。屈伸無殊指，俗目以見移。吾生在天地，豈復有竟時。雍門
悲孟嘗，但爲富貴悲。羊公顧峴首，陵谷亦已疑。往者非所邀，來者非所期。精神通元命，
太和歸玄坯。綺麗千秋間，居然駕雲霓。

去者皆吾日，來者非他年。一日亦不妄，衰老何足言。側身入洪流，世故相烹煎。變化
生咫尺，先計固不全。焦原失俄頃，槁魄隨荒煙。誰能使寸心，洵爲物所憐。

去者皆吾日，疇昔未愛之。迷流遙濔洄，猶恐相飄危。今茲逾奄忽，益令思故時。四顧
無與謀，腹悲自悽其。思欲洗其耳，日夕相喧吹。物態日以新，骨肉相猜疑。抱意闕玄夜，

① 〔喧〕：中華本誤「喧」，據衡陽補刻本回改。太平洋本作「喧」不誤。

② 〔滅〕：太平洋本、中華本俱誤作「滅」，據衡陽補刻本回改。

泉壤以爲期。

流水無歸波，彌望何涯津。淹恤妻子間，綿延人沈淪。天漢與下澤，孰能令其親。迹近而心遠，乖阻在斯晨。夙志養流珠，玄冥爲我春。唯當棄置此，偃佺託比鄰。長短隨心臆，焉能動敷陳。

世故亦易知，紛綸無畏驚。春草生漸長，鶉鴉先已鳴。俯仰時序間，遷變各有形。感彼翩飛鳥，聊用定我情。

和月適已屆，清朗開八埏。宇內各悠悠，何者相忘言。一爲佳人思，邈若各一天。中懷固閔默，函之千萬年。

微雨散餘陰，山川見迢遞。白石相昭宣，（喧）〔喧〕○風薄襟袂。滄海非弱流，神山無蔽翳。誰從江漢生，臚傳發冢砌。巧言如笙簧，風息罷嘹唳。榮名自有宗，辨駕安可稅。

酌酒歌生平，疇昔互不忘。燕臺振悲吟，哀風爲飄揚。磨劍寒水濱，星月灼鋒鋌。誓身茵露間，聊充烏鳶腸。堂上悲白髮，恩愛不得將。耿懷躋中路，宵旦泣霑裳。吞聲無能宣，義命各有方。

○「喧」：中華本誤「喧」，據衡陽補刻本回改。太平洋本作「喧」不誤。

太始不可知，元會亦蠡測。偶覽晨星稀，復覩陽精匿。以此號爲生，視聽隨聲色。在物各有因，近取成儀則。鴻洞散予懷，無如動悽惻。榮公樂天年，申徒哀不息。天壽非已○爲，凌雲無羽翼。柱下誠達生，胡爲涉西域。

危飊充太虛，來往搖蠓動。飛蓬亦乘之，南北相飄送。長夜在指顧，魂魄非我用。真人識天情，針芒辨錯綜。高舉凌青雲，霞旌相導從。酌斗餐玉漿，揮劍剗蟬蛻。道遠不易從，要之心所重。下視僊僊子，惻然增傷慟。

昌風起鷦明，乘時奮彩翼。榮光被九州，下士羨鼎食。託生各有時，春秋殊畛域。豈唯義黃邈，李趙不我即。陳生蛻太華，種魏踵芳迹。勞生棄比鄰，居意難察識。置我三子間，浩蕩弗相及。懷彼心迹間，怵悶充胸臆。

青雲何徘徊，微風生蕩飴。上有三青鳥，翔飛指西海。中道非所息，陵阜空崔嵬。一食玉山粒，長年不知餒。此意固有方，燕雀徒疑給。

初終無殊理，意氣空一壘。紫芝含清膏，貞木炫寒條。舜華乘餘春，旖旎隨風飄。豈知隔宿間，遂有千載遙。中心良不固，孰能怨傷凋。

○「已」：衡陽補刻本、太平洋本、中華本同，疑當作「己」。

靈鳳不屢見，脩竹無長榮。芳吹日暮歇，哀鴻中夜鳴。蟋蟀喧蕪草，熠燿群飛行。悵怨疑凋傷，愴忘非所經。安能抱寸志，與物相昭明。

遊魚忘江湖，孤禽啁故林。飛止各自得，幽微各有心。釣緝非所憂，託意在哀吟。上睨青天高，旁窺喬木深。若爾但取適，無勞悲至今。

我生不先後，蒼天意何居。雲隙漏青霄，皓月流素虛。霜露徹清寒，俯仰何所拘。明星互昏旦，託志無相渝。

兔葵榮野田，琪樹生玉山。靈苗非無種，璀璨發琅玕。語默交不至，吾心營其間。臨水悲遠天，忉忉不能忘。知爾無再見，形容猶泔泔。腐麥化玄蝶，翩飛依隴傍。喬松流靈液，虎魄函清香。孰謂心所懷，沒世以爲量。

溫雨釋春冰，白日常嵯峨。明哲知其真，爲樞自不多。縱橫九州間，天地將如何。孤音失清哀，寸心苦未將。至要日隱沒，群心久相忘。如彼西岑日，暮靄翳餘光。柱下嘆知希，龔生喪蘭芳。誰云千金瓠，遂可涉汪洋。

晨雨飛西山，屑颿踰川原。曾雲映迴光，輕虹遂連蜺。霏微散俄頃，餘潤裊午暄。辨說豈不周，根株未能堅。耳目日經營，靈迹益以諼。名聞皆枝葉，一落不再鮮。千秋萬歲後，飄散如飛煙。

有生自有常，情欲與之俱。避名而就實，無能出其區。慨彼小智士，芸芸爲避趨。蹠夷

各有云，新紫奪故朱。文質一雕績，君親皆羶腴。持釣臨河洲，誰云不在魚。

憂至意苦長，悲積言苦短。登高欲哀歌，辭盡意不滿。九土何芒芒，驚獸驚町疇。千秋無轍迹，來者益迂緩。微軀誠自微，大儀憑運幹。

河清不可俟，俟之欲何爲！仙人王子喬，孤管發鳳吹。沿流循湘干，幽意以自持。屈生沈清淵，蛟龍或見欺。冠珮不可渝，崑嶽非所疑。無爲望他人，俯仰相提維。

婚宦營終生，自古誠有之。不期衰晚人，因應虧四維。婉孌狎鷄鶩，長短還相嗤。驅車遊廣野，南北詎能欺。哀哉相隨逐，遂以植菴施！

白晝飛黃塵，遊絲漾荒煙。天宇爲之迷，南北爲之遷。豈云資力微，假借成滔天。念之良驚愕，非由大造偏。拍手持彗帚，高驅蕩清玄。宓妃相嬉笑，用意期何年。

裂帶結同心，指天誓河水。生年不滿百，長懷越千祀。青鳥銜素書，飛集玉山趾。壺公遊汝南，愕眙不得視。況彼塵土人，熒熒眩朱紫。

西臺狂歌士，南向悲遠天。願隨夕英萎，不競龜華鮮。視彼豹林客，何異乘華軒。良時馳虛譽，駟馬遞周旋。頤（主）〔生〕○以物榮，空歌采芝篇。岐道各有趣，命矣夫何言。

○「生」：中華本從太平洋本作「主」，形誤也，茲依衡陽補刻本改回。

柱下賤禮制，支流爲南華。鋪糟以自全，扣泥羞清波。馬牛任所呼，食豕忘矜夸。取適無揀擇，俄頃乘天和。章甫非適越，裸國隨經過。深旨通卮言，匠意自清遐。豈爲浮沈子，導迷入流沙。

弄翰自弱歲，緒言如轉卮。采芳盡春榮，屢顧自矜奇。周遊破杳靄，凌空吞雲霓。姝媛從物好，華落理自悲。匠意從髣髴，英靈坐相欺。追惟不可諫，白日忽傾馳。

閉戶謝賓舊，叩戶亦不辭。不辭通款曲，薄言啓心期。語者皆樸質，聞者驚支離。長此謝當世，不復知爲誰。

微詞意不伸，曼衍傷化機。披襟臨天漢，清琴音正希。持此遊良夕，千秋願不違。南登金簡峰，北望昭王丘。湖波浸吳楚，陽雁翔汀洲。託心浩淼間，古今誰久留。湘妃凌素波，燕婉終相求。

魯公八十春，睥睨人間世。鶴發顏妖媚，園中有真詣。顧揖王方平，刀兵試遊戲。天運非苟爾，逍遙無凝滯。三蟲守形軀，戀之增悲厲。

日車不可挽，凍雨不可堙。熒惑代朗月，悲此下土人。海潮有涸流，伍相怒不伸。奄忽在須臾，草木非其春。睠焉念神禹，九州空嶙峋。安知百年後，神輿無間津。

生理恣圓軌，清狂遊心旌。浮沈全譽命，伸屈無恒形。倫紀皆駢拇，曾史嗤外櫻。清濁

非異水，南北邀兩溟。輕肥適去就，談諧狎昭靈。解散（人）〔八〕○絃綱，悅生爲督經。炙轂傾宇宙，念茲魂魄驚。

東登大庭庫，西睇鳴鳳岡。俯仰見玄維，故心罔不忘。寂寥出入中，攬之盈清芳。飛龍馴組轡，御我東西翔。靈珠充素輝，光耀自煒煌。天衡不遐哉，縱橫無淫荒。

抱意各有言，立言非意經。下遊多揚波，傳聲忽如傾。發軔在跬步，旁午迷千城。綺麗生慘澹，憔悴良足驚。

天下一喪已，己以喪天下。迷離無反津，要之輕試者。白玉潔明雪，五絲相繅藉。狎龍人重淵，蜃雉俄變化。入塵而不憂，誰知暗摧謝。

夏雲起墟末，磊砢逼太虛。歛爾清風生，動宕無恒居。列缺灼末光，豐隆隱歛歔。微雨止天半，闌干飄素珠。陽精自終古，揜翳將何如。且乘寸晷陰，震蕩西北隅。

西北市弮弓，東南探金簡。令名誠可希，至性非外撰。闊步不擇塗，浮舟無固綰。百歲

○

「八」：衡陽補刻本字形似「人」，太平洋本、中華本均誤作「人」。按「八絃」見淮南地形：「九州之外……而有八絃」，高誘注：「絃，維也，維落天地而爲之表。」絃亦有綱意，淮南原道：「絃宇宙而彰三光」，高誘注：「絃，綱也。」阮籍大人先生傳：「天地解兮六合開」，「解散八絃綱」，即「天地解」之意。茲據衡陽本回改。

從灰飛，三春任偃蹇。玄圃有靈藥，采彼天地產。

終日無餘歡，振衣游九閩。旦披瑤圃門，夕宿玉山陽。回睨周與秦，劃然各開張。世士如遊蟻，語笑感心傷。揮手不相顧，嗟峨日月傍。

煌煌軒轅紀，蕩滌下土氛。中季有興替，後起相彌綸。三川聞野哭，知者爲酸辛。挽之無纈績，置之傷我神。杳杳默成功，孤游託氤氲。氤氲非偶爾，圓魄開重輪。龍門傳素書，千載有其人。

春谷生碧草，其名爲蘭芳。暄日相照曜，微風吹輕香。韓康行采藥，顧盼不相當。蕩魂從一旦，安取千歲長。嬾彼冶遊子，掇拾如不遑。旦夕秋風生，哀歌及履霜。

清都定何在，天池亦不遙。餌芳有驚魚，巢卑有危條。揮劍破雌霓，駁娑見青霄。塵垢非我親，商歌入沈寥。濡需復何有，天閭關嵒嶢。欲從世人言，寥廓無與招。

浩歌無所希，忽忽意不樂。雲間失群飛，淒矣孤征鶴。道窮亦偶爾，千載悲綽約。綽約舉世然，追隨無返略。聲利相烹爨，煽動虛橐籥。迢迢石戶農，清風遽遼邈。

我聞姑射山，宛在水雲區。烟蘿不相到，琅玕生其隅。欲往就見之，中道而歛歔。弱水差咫尺，憑虛欲奮軀。精衛填東海，但不負居諸。

名駒生滇池，云是飛龍儔。金埒相組飾，玉泉飲清流。揚靈望冀北，躑躅凌南州。生芻不相繼，俯首易曼柔。穆滿志八荒，去去無相求。秋風吹芸黃，日暮使心愁。

渡海求神藥，神藥空傳聞。偃住各長嘆，知爾非仙倫。日夕有衰老，顧念惜餘辰。金風吹流波，浩瀚至海濱。一旦成決絕，傷哉如千春。

自昔有芝草，汾陽及商顏。靈穎非有根，輪困發朱殷。千祀亦不遐，挺生旦暮間。重玄開紫霧，一朝成大還。精爽不暫離，延頸三神山。

威蕤大道側，灼灼芳苒生。采采不盈把，車馬踐縱橫。耿耿若木華，旭光燭太清。繼明羲和轡，反景列宿晶。安知餘草木，被之爲華榮。

今日漢宮人

此地深宮日，珠簾不卷春。南枝驚怨鵲，馳道厭輕塵。疇昔君恩淺，臨歧淚眼新。長城分一綫，猶遣候騎頻。

稍覺金鞍便，無妨扇影開。殘妝臨隴水，昨夢到宮苔。回首將無怨，頰眉恐見猜。相憐唯此夕，曉角莫相催。

齒落示敵子

梧桐一葉已知秋，塞角催霜幾耐愁。乳燕未須驚颺去，堂前不擬久相留。

哭殤孫用羅文毅公慰彭敷五喪子韻二首

餘生一儘萬重悲，誰望含飴未死時。如夢如漚添一淚，爲亡爲在至今疑。鬢絲緝雪愁人問，血縷攻心不自期。兩日朱明留不得，揮戈錯欲挽重黎。以大統曆立夏日生，名之曰夏。
孝婦身前遺卵悲，徵君顧命撤琴時。邗江枝葉無多望，嶽墓松杉亦自疑。斜日不留餘照好，落花偏與妬風期。綢繆忍死吾何據，倚杖荒山一子黎。

辛亥稿

辛亥三月十一夜夢登天壽山

五雲飛不息，惟繞五更心。啼鳥驚山曙，餘寒擁宿陰。寶刀悲自昔，玉盃已非今。杳杳蒼龍闕，微生與陸沈。

李雨蒼年七十三矣書至期遊南嶽若必果者返寄馳望信宿

瀟瀟洞庭水，迢迢諸葛臺。盈盈秋波生，揚舲中流哀。夫君遠遊心，南望日悠哉。朱鳥自嶠昔，佳人屢沿洄。炎海夢江門，金簡授大崖。豈無寶舊漿，頤爾靈魄胎。壯士無暮年，

玄雲爲旦開。白日信相借，朱陵心所懷。

月坐懷須竹南嶽

綠潤浮澄光，搖曳林塘間。今懷非疇昔，物宇相昭鮮。涼魂從安舒，緒風微夤緣。靜籟不相舍，素意無孤鶩。吹飄忘疑心，行歌有獨絃。知子岫嶠陰，遙遙接清玄。

壬子稿

上巳

令月方及茲，春草遲已生。輕葉隨韶風，薄紅散空明。春氣遙所集，婉約充簷楹。東菑或懷閔，良禽亦載榮。儲情謝歆託，澹蕩寓遐征。所資非天伐，居然斂物營。

春晴

西峰日氣上氤氳，東嶺凝光染絳雲。舊閨幾更春不淺，昨宵星影曙難分。還逢暄潤迎花茁，遂度霜寒識藥勳。天地從誰消倂側，回塘烟靄護苔文。